

社會志

古者二十五家爲一社後世凡同志結合者曰社如晉之白蓮社明之幾社復社是也近時社會學說有廣狹二義廣義爲羣學凡改革政治及產業制度者屬之狹義則爲地方團體茲篇取狹義以無可附麗故別爲一篇博本肇末亦可觀也夫闢土殖穀謂之農執藝事成器物以利用者謂之工今人受直僱役於人者亦謂之工此周禮所謂閒民轉移執事者名同實異矣阜通貨賄者謂之商周禮注行曰商處曰賈今通稱爲商三者皆實業也農爲拙業工擅技巧商專心計農最勞工次之商最逸史記曰用貧求富農不如工工不如商巧拙既判貧富以殊縣中農工民國以前無團體可言縣人之商於粵境者坪石市佛山鎮皆有會館名曰楚南建築崇闕產款亦豐坪石則鹽商至之佛山則麻商主之今鹽麻二業皆衰竭矣外商之在我縣者江西福建皆有會館藥商昔爲江西人人較多力較厚菸商昔多福建人力稍遜今皆不競無可紀者民國肇建農工商各會依法組織分別敘述如左

農會

民國初年設農會及鄉農會僅具雛形十五年以後共產黨改爲農民協會二十年始恢復舊名是年三月正式成立縣農會

由全縣代表大會推舉幹事五人互推正副幹事長各一人組織幹事會所轄六鄉分會其數為二十四會員六千五百二十二人幹事長姓名可考者為張毓楠劉璧硯張益陶黃明漢李莊幹事為曹子剛張桂等

工會

泥木職業工會與農會同時成立由會員推舉理事五人互推常務理事一人推舉幹事三人互推常務幹事一人組織幹事會會員五十一人理事姓名可考者為朱遠善李玉樟朱明賢王貴同朱遠玉常務幹事可考者為曹根元朱遠璣朱明悅等縫紉職業工會成立時期同前組織亦同其理事姓名可考者宜章縣志 廿三卷 社會志 二 為劉秀品李家祥鍾吉祥封吉善王金成幹事姓名可考者為封吉玉劉秀潘曹利章等

商會

商會設於城隍廟後殿民國三年已成立初僅設正副會長各一人二十二年依法組織同業公會由各代表票選執行委員十五人組織執委會互推主席一人常務二人又由代表大會票選監察委員五人組織監委會所轄同業各會其數七會員凡一百三十六人職員姓名可考者為李榮曾子楷蕭祖化吳志安吳炳貴李良弼曾錦章吳炎蕭天池李範模吳榮春李芳孝吳商喬曾慶龍吳明中吳江鯉蕭景信蔣義取吳炳全藍仲

官陳存斌吳鑑堂鄭祥玉鄒明坤李玉源鄧有財等

結論

當農工兩會組織伊始亦似風起雲湧翕赫可觀曾幾何時雲消雨散今僅存泥木職工會無經常費月由縣黨部津貼國幣三元亦奄奄一息也商人高掌遠蹠識力本出農工上又有商家月捐經費稍裕故巍然獨存然亦僅維持現狀未能向外發展也我縣實業不振無可諱言結合同業研究改良力求進步誠當有總機關爲之搏掄主持至社會情形通功易事供求相劑不得畸重畸輕若藉以壟斷居奇失平準之正義則無益反害矣農工商狀況已詳食貨志不贅叙此外地方團體如祠
宜章縣志 八廿三卷 社會志 三

寺會以奉神佛蒸嘗會以祀祖考橋路會以備修除議約會以禁盜竊名同實異或已附見他門茲不著於篇